


# SOCIETÀ DA CHATSCHADERS



# 7550 SCUOL

|  |  |   |                               |
|--|--|---|-------------------------------|
| <i>Società da chatschaders Lischana:</i><br><b>Radunanza d'utuon 2019</b>  |  | <i>Actuara:</i><br><b>Juliette Duschen</b>  |                               |
| <i>Lö da sezzüda:</i><br><b>Restorant Trü, Scuol</b>   |  | <i>Datum:</i><br><b>23.08.2019</b>  | <i>Urari:</i><br><b>20.00</b> |
| <i>Partecipants:</i><br><b>Società da chatschaders Lischana</b>  |  | <i>Scumpart:</i><br><b>Sün la pagina <a href="http://www.chatscha.ch">www.chatscha.ch</a></b> |                               |
| S-chüsats: Peter Münzel, Claudio Gotsch, Gian Andri Füm, Nina Padrun, Enrico Dorta, Gian Paul Arquint, Gianni Castellazzi, Claudio Dorta, Martina e Mirco Negrini, Flurin Filli, Fabian Grond, Andrea Mall, Florinett Roman  |  |   |                               |
| <i>Tractandas:</i>   |  |   |                               |
| <ol style="list-style-type: none"> <li>1. <b>Salüds ed elecziun dals scrutinaduors</b></li> <li>2. <b>Approvaziun dal protocol da la radunanza da prümavaira 2019</b></li> <li>3. <b>Infuormaziun e decisiun proget salvamaint d'usöls</b></li> <li>4. <b>Infuormaziuns da las prescripziuns da chatscha 2019</b></li> <li>5. <b>Curdin Florinett referischa sur dals progets da marcaziuns</b></li> <li>6. <b>Mutaziuns</b></li> <li>7. <b>Tratta da büs-cha per las patentas da chatscha</b></li> <li>8. <b>Varia</b></li> </ol> |  |   |                               |

## 1. Salüds ed elecziun dals scrutinaduors

Mario, il president salüda a tuots preschaints a la radunanza d'utuon. Ün salüd spezial va a nos commember d'onur Matthias Merz sco eir als guargiasulvaschinas Curdin Florineth e Not Pua.

Sco scrutinaduors vain elet Roger Bischoff

## 2. Approvaziun dal protocol da la radunanza da prümavaira dals 12 avrigl 2019

Il protocol da la radunanza da prümavaira, chi'd es gnü protramiss e scumparti, vegn approvà unanimamaing. Grazcha a Juliette Duschén per avair formulà quist protocol.

## 3. Infuormaziuns e decisiun sur dal proget "salvamaint d'usöls"

Il president orientescha sur dal proget da salvamaint d'usöls chi ha gnü lö quista stà. Ils pilots e agüdots sun stats sün piket dals 15 mai fin la fin da lügl. Causa il fraid e la plövgia in mai e cumanzamaint da gün han ils paurs cumanzà a sgjar cun retard. Pero lura esa stat plü o main bod mincha di da svoular cun las dronas. La gronda cifra d'usöls chattats demuossa cha quist proget es fich important, implü vain nossa lavur eir acceptada da la gronda part dals paurs. I's ha pero stuvü constattar cha la metoda cun la camera da chalur funcziuna a bunura fin ca. las 09.30 o lura darcheu

la saira davo cha'l sulai es i giò, perfectamaing. Retscherchas d'ürant il di nu s'han verifichadas. In tuot s'haja chattà e per part eir pudü marcar strusch 40 usöls in la regiun dal district X. Pro'l sistem da piket saraja da far amo ün per adattamaints pel prossem on. Pero in "grando modo", pigliand oura cha vain pers üna drona, d'eira tuot il proget ün grond success. Per pudair finanzia davart dal district ils tacharöls, flyers e tuot la tecnica, funcs e.t.c., sainza las dronas, ha il district fat la dumonda a tuot las secziuns per sustegn da CHF 200.00 pro secziun. La suprastanza es da l'avis da pajar quist import, pero be scha tuot las secziuns sun da la partida.

Il president lascha vuschar giò a la radunanza per quista contribuziun.

La proposta da pajar l'import da Fr. 200.00 per sustgnair il proget salvamaint d'usölgs es gnü acceptà unaim.

#### **4. Infuormaziuns da las prescripziuns da chatscha 2019**

Curdin Florineth infuormescha la radunanza sur da las novas prescripziuns da chatscha 2019.

- Per la chatsch'ota 2019 vaina dat liber d'ürant il ultims duos dis da la prüm'eivna divers asils. Mincha chatschader chi's rechatta lura i'l asil sto avair aint vestimainta marcanta in culur orandsch o gelgua.
- In resguard da la chatscha bassa infuormescha el eir sur dal cumportimaint in regard chan/luf.
- Nouv per quist on esa d'implir oura, per mincha bes-cha schlupettata d'ürant la chatsch'ota, ün questunari a regard il cumportimaint da la muniziun. Quist causa chi's vuol perscrutar che muniziun sainza plom chi corresponda a las premissas per la chatscha o schi dà muniziun chi nu's adatta insomma na per la chatscha.
- Il numer da la plomba nun esa plü da scriver aint in la statistica.
- Per la chatscha da guetta sun uossa be amo duos lös daspet permiss.
- Sur da las malatias orienscha Curdin cha la tuberculosa es amo adüna actuala e giavüscha cha'ls chatschaders observan bain la sulvaschina ed eir il dadaint.

#### **5. Referat da Curdin Florineth sur dals progets da marcaziun in nossa regiun.**

Curdin Florineth discorra dals differents tshiervis marcats e muossa che viadis impreschiunants chi fan. Eir fich interessant es il proget da marcaziun da las vuolps e che viadi cha quellas fan. Plünavant infuormescha el eir sur d'ün proget da marcaziun e perscrutaziun insembel cun l'italia chi pertocca il capricorn.

#### **6. Mutaziuns**

Per quista radunanza nu sun entradas ingünas dumondas per entrada in nossa società. Als 21.07.2019 es mort nos commember Chasper Fried sen. L'act da tour cumgià vain lura fat, sco üstià, in la radunanza generala.

No gratulain e surdain la medaglia da veteran a nos commember Alfred Nogler.

#### **7. Tratta da büs-cha per las patentas da chatscha**

Per la tratta da las büs-chas per las patentas da chatscha, üna mezza patenta da chatsch'ota ed üna mezza patenta da chatscha bassa, han tuot quels chi han güdà d'ürant l'on in divers möds a favur da la società ed eir tuot quels chi han tut part al tir intern. Il president orienscha amo a la radunanza cha per far gnir plü attractiv la vita activa in nossa società haja previs la suprastanza da s-chaffir ün reglamaint detaglià per quista tratta da büs-cha. Quist vain lura preschantà e suotamiss a la radunanza generala per far bun.

Intuot sun 69 büs-chas miss in l'urna

La duonna da l'uster figürescha sco diala da furtüna

La mezza patenta da chatscha bassa 2019 va ad Enzo Zannier

La mezza patenta da chatsch'ota 2019 va a Gian Reto Alini

La radunanza gratulescha e giavüscha ün schlass in bocca d'luf als vendschaders.

## **8.Varia**

Carlo Zannier orientescha a la radunanza chi sun gnüdas ingoladas d'ürant quista stà 5 cameras per fotografar sulvaschina.

Sün dumonda d'ün commember declera il president cha talas cameras sun admissas, pero nügla per adöver da chatscha.

Diego Dell'Andrino orientescha cha las tschüffa cullas in Urezzas vegnan renovats d'ürant ils mais october e november.

Causa cha ün per commembers nun han survgni il vagl per pajar aint la contribuziun annuala, vegn tramiss a tuot ils commembers chi nun han amo pajà la contribuziun annuala per posta ün quint cun vagl.

Il president giavüscha, eir in nom da tuot la suprastanza, a tuot ils preschaints ün schlass in bocca d'luf. El tira eir d'archeu üna vouta attent e giavüscha eir cha tuots commembers da la Lischana ma eir tuot ils chatschaders Grischuns as deportan adequat e correctamaing d'ürant la chatscha, chi nu detta intops chi mettan in dumonda nossa chatscha libra Grischuna. I dà avuonda ögls critics chi be spettan per metter nossa paschiun in ün nosch nom.

In mincha cas giavüscha el a tuots da giodair la chatscha e da tuornar frisks e sans a chasa.

MD serra la sezzüda a las 21.30

Per il protocol: l'actuara Juliette Duschén